

في ناس بيقولو

غناء: زكية حمدان

لحن: محمد محسن

تاريخ: ١٠/١/١٩٥٦م

في ناس بيقولو السلام عالمعرفه
مرّيت ما سلّمت عالخل الوفي
عالمعرفه في ناس بيقولو السلام
يمكن بتاني روح فسّرت الكلام

مريت ما سلمت شو قلبك كبير
فارش عادربك قلب انهى من الحرير
يا فارد الجنحين وجناحي كسير
وعا قد ما بتزعلو بيرضى قوام

يا بدر ما خلّيت قدامك غيوم
وعاقد ما بيكون عاكتافي هموم
سهرتني وعليك سهرت النجوم
برتاح لما بشوفك بأمن وسلام

يا حب

غناء: زكية حمدان

لحن: محمد محسن

تاريخ: ١٩٥٧م تقريباً

يا حب ليش الشوك بغصون الورود
ضيعان ورد الحب ما بيحفظ عهد
بيعامل المظلوم والظالم سوى
وينسى حبايب من مدامعها ارتوى

يا ورد عن حب الوفا مين مانعك
بالشوك عم تزرع أيادي زارعك
قلبك على نكر الوفا كيف طاوعك
وعن جرحه المشتاق بتخبي الدوا

الناس قالو الصبر كلو فايدي
العمر ماضي والليالي شاهدي
صبرت قلبي عالهموم الزايدي
انو الصبر عالمر مامنو نوى

ياورد بعدك عالوفا قاسي وبخيل
من كتر ما خلا الهوى جسمي نحيل
مخبي الدوا عن جرحه القلب العليل
خايف عاجسمي يطير من نسمة هوا

رحلك دقيقة

غناء: زكية حمدان

لحن: شفيق أبو شقرا

تاريخ: ١٩٦٥/١٠/٩م

رحلك دقيقة من فؤادي يا هوى
بلكي مع السلوان موجود الدوا
غبلك شويي عن عيوني يا جمال
لا عين تهوى ولا قلب يحمل دلال

صبرت قلبي والأمل ما وصلتلو
وما قدرت نولك بعد مرّي يا حلو
ما كنت قلبك عن حنيني تسألو
وكل غالي بالدني صعب المنال

كان قبل اليوم مخضّر الأمل
والعاشق بيحمل على كتفو جمل
من فرقتك ما عاد عاغصونك حمل
وما بيحمل لفتة عيون الغزال

كتار وقعو بالهوى وتندمو
ضلّيت فكر بالهوى تا إفهمو
وتحمّلو جروح النوى وتألّمو
تعبت فكارى والهوى بعدو سؤال
